

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 36

Četvrtak, 28. septembra/rujna 1995.
SARAJEVO

Akontacija pretplate
se utvrđuje
kvartalno

427

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

ODLUKU

O OBRAZOVANJU KOMISIJE ZA IDENTIFICIRANJE I OZNAČAVANJE DRŽAVNE GRANICE REPUBLIKE BOSNE I HERCEGOVINE NA PODRUČJU ZRAČNE LUKE BIHAĆ

I

Obrazuje se Komisija za identifikiranje i označavanje državne granice Republike Bosne i Hercegovine na području zračne luke Bihać (u daljem tekstu: Komisija), u sljedećem sastavu:

1. dr KASIM TRNKA - predsjednik Komisije;
2. HALIL ISAKOVIĆ, dipl. ing. geodezije - zamjenik predsjednika Komisije;
3. SALKO BEGIĆ - član Komisije;
4. ZLATAN TOPIĆ, dipl. ing. geodezije - član Komisije;
5. SENAD SARAČEVIĆ - član Komisije.

II

Komisija iz tačke I ove odluke činit će sastav zajedničke međudržavne komisije za identifikiranje i označavanje državne granice Republike Bosne i Hercegovine i Republike Hrvatske na području zračne luke Bihać.

III

Komisija će predložiti nadležnim organima Republike Hrvatske i Republike Bosne i Hercegovine nacrt ugovora o identifikiranju i označavanju državne granice Republike Bosne i Hercegovine i Republike Hrvatske na području zračne luke Bihać.

IV

Komisija će zadatak iz tačke III ove odluke sa izvještajem o radu podnijeti Predsjedništvu RBiH.

V

Ovu odluku objaviti u "Službenom listu RBiH".

PR broj 1837/95
7. septembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

428

Na osnovu člana 98. a u vezi sa članom 99. Zakona o finansiranju javne potrošnje ("Službeni list RBiH", br. 5/95 i 9/95), Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

ODLUKU

O USTUPANJU IZVORNIH PRIHODA I PRIJENOSA RASHODA REPUBLIKE BOSNE I HERCEGOVINE OKRUŽIMA ODNOSNO KANTONIMA

I

Ovom odlukom utvrđuju se prihodi i rashodi Republike Bosne i Hercegovine (u daljem tekstu: RBiH), koji se ustupaju i prenose na okrug, odnosno kanton, na kojima se primjenjuju važeći zakoni RBiH.

II

Ustupaju se izvozni prihodi RBiH, ostvareni na nivou okruga, odnosno kantona, i to od:

- | | |
|--|------|
| 1. poreza na promet nafte, naftnih derivata, kahve, alkohola, alkoholnih pića, bezalkoholnih pića, pića, duhana i duhanskih preradevina i poseban porez na ove namjene | 30% |
| 2. poreza na promet ostalih proizvoda iz Tar. broj 1, Tarife poreza na promet | 30% |
| 3. poreza na promet proizvoda iz tar. br. 2, 3. i 4. Tarife poreza na promet proizvoda Tar. 1. Tarife poreza na promet usluga | 90% |
| 4. poreza na dobit preduzeća | 30% |
| 5. poreza na plaću | 40% |
| 6. poreza za obnovu RBiH | 50% |
| 7. doprinos za zdravstveno osiguranje | 70% |
| 8. doprinos za osiguranje od nezaposlenosti | 90% |
| 9. prihode koje svojom djelatnošću ostvaruje organ okruga odnosno novoformiranog kantona | 100% |

III

Prihodi iz tačke I ove odluke naplaćivat će se u skladu sa zakonskim propisima kojima je regulisano plaćanje poreza i doprinosa.

IV

Za okruge koji nisu konstituisani, odnosno koji nisu obrazovali okružne organe uprave, poslove i zadatke iz njihove nadležnosti, vrše nadležni organi uprave najbližeg susjednog okruga.

V

Obaveze RBiH koje se prenose na finansiranje okruga odnosno kantona su:

1. Djelimično finansiranje i bezbjednost RBiH
2. Rad organa uprave:
 - 2.1. Organi uprave i pravosudni organi RBiH

Osnovne sudove	
- materijalni troškovi	100%
- bruto plaće i ostala lična primanja	100%
- Više sudove	
- materijalni troškovi	100%
- bruto plaće i ostala lična primanja	100%
- Viši sudovi za prekršaj	
- materijalni troškovi	100%
- bruto plaće i ostala lična primanja	100%
- Više javno tužilaštvo	
- materijalni troškovi	100%
- bruto plaće i ostala lična primanja	100%
- Osnovno javno tužilaštvo	
- materijalni troškovi	100%
- bruto plaće i ostala lična primanja	100%
 - 2.2. - Okružni vojni sudovi

- materijalni troškovi	100%
- bruto plaće i ostala lična primanja	100%
- Okružna vojna tužilaštva	
- materijalni troškovi	100%
- bruto plaće i ostala lična primanja	100%
3. djelimično finansiranje materijalnog osiguranja raseljenih lica i izbjeglih lica
4. djelimično finansiranje zaštite prirode i prirodnih resursa
5. djelimično finansiranje obnove i razvoj RBiH
6. finansiranje zajamčenih prava u oblasti osnovnog, srednjeg i visokog obrazovanja:

- materijalni troškovi	100%
- bruto plaće i druga lična primanja	60%
7. zdravstvena zaštita po osnovi zdravstvenog osiguranja, obavezni vidovi zdravstvene zaštite koji se obezbjeđuju svim građanima u skladu sa članom 42. Zakona o zdravstvenoj zaštiti ("Službeni list SRBiH", br. 18/86, 17/89 i 38/90).
8. obaveze za osiguranje od nezaposlenosti 100%
9. djelimično finansiranje infrastrukture (putevi, željeznice, elektroprivreda, PTT, RTV, aerodromi, vodosnabdijevanje, geološka istraživanja itd.),
10. kompenzatorno finansiranje (dotacija, premije i regres itd.),
11. dopunska sredstva općinama i društvenim organizacijama na nivou okruga, odnosno kantona,
12. finansiranje ostalih izdataka iz člana 20. tačka 10. Zakona o finansiranju javne potrošnje.

VI

Ova odluka važi za period juli - septembar 1995. godine, odnosno za isti period za koji se donosi budžet RBiH.

VII

Ova odluka objavljena je na oglasnoj tabli Predsjedništva Republike Bosne i Hercegovine dana 26. septembra-rujna 1995. godine, kada je i stupila na snagu, a objavit će se u "Službenom listu RBiH".

PR broj 1838/95
26. septembra-rujna 1995.
Sarajevo

Predsjednik
Predsjedništva RBiH,
Alija Izetbegović, s. r.

429

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 18. septembra 1995. godine, donijelo je

ODLUKU

O POMILOVANJU PO SLUŽBENOJ DUŽNOSTI

I

Oslobadaju se od daljeg izvršenja kazne zatvora, u cilju razmjene za lica zarobljena od strane agresora:

1. SIMIĆ (CVIJETINA) LJUBOMIR,
2. MITROVIĆ (SLAVKA) ZORAN,
3. MARINSKOVIĆ (STANIMIRA) BORKO,
4. STEVANOVIĆ (RADOMIRA) MIOBRAG,
5. KOVAČEVIĆ (MILIVOJA) RANKO,
6. BOGIČEVIĆ (ZDRAVKA) SVETO,
7. NIKOLIĆ (MILOJA) GROZDRAN.

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-011-295/95
18. septembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

430

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 18. septembra 1995. godine, donijelo je

ODLUKU

O ABOLICIJI PO SLUŽBENOJ DUŽNOSTI

I

Oslobadaju se od daljeg krivičnog gonjenja, u cilju razmjene za lica zarobljena od strane agresora:

1. MILOVANOVIĆ (MILOŠ) ŽIKA
2. BOŽOVIĆ (MILOJICA) VLADIMIR
3. VIDOJEVIĆ (DRAGOMIR) SLAVOMIR
4. MILANOVIĆ (DRAGO) VOJNO
5. GOLUB (SPASOJE) RANKO
6. ŠEHOVAC (MOMČILO) BOGDAN
7. JAKŠIĆ (STOJAN) DRAGO

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-011-577/95

Predsjednik

18. septembra 1995. godine

Predsjedništva RBiH,

Sarajevo

Alija Izetbegović, s. r.

431

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 18. septembra 1995. godine, donijelo je

ODLUKU

O POMILOVANJU PO SLUŽBENOJ DUŽNOSTI

I

Oslobadaju se od daljeg izvršenja kazne zatvora, u cilju razmjene za lica zarobljena od strane agresora:

1. RISTOVIĆ (BORO) DRAGAN
2. SLAVNIĆ (MITAR) ALEKSA
3. SLAVNIĆ (ALEKSA) MILORAD
4. ŠUŠIĆ (RADMILO) BORISLAV
5. TADIĆ (MARIJAN) NOVO

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-011-578/95

Predsjednik

18. septembra 1995. godine

Predsjedništva RBiH,

Sarajevo

Alija Izetbegović, s. r.

432

Na osnovu Amandmana LI tačka 5. stav 3. na Ustav Republike Bosne i Hercegovine i člana 61. Zakona o obrazovanju i radu okruga ("Službeni list RBiH", br. 12/92, 14/92, 18/92, 21/92, 3/93, 22/93, 13/94 i 9/95), na prijedlog predsjednika Tuzlansko-podrinjskog kantona, Predsjedništvo Republike Bosne i Hercegovine, na sjednici od 26. septembra 1995. godine, donijelo je

ODLUKU

O RAZRJEŠENJU I IMENOVANJU PREDSEDNIKA I ČLANA RATNOG PREDSEDNIŠTVA SKUPŠTINE OPŠTINE ŠEKOVIĆI

I

Razrješava se dužnosti predsjednika Ratnog predsjedništva Skupštine opštine Šekovići NIJAZ FERHATBEGOVIĆ.

II

Za predsjednika Ratnog predsjedništva Skupštine opštine Šekovići imenuje se HASAN RAHMANOVIĆ.

III

Za člana Ratnog predsjedništva i potpredsjednika Ratnog predsjedništva Skupštine opštine Šekovići imenuje se REUF FERHATBEGOVIĆ.

IV

Ovu odluku objaviti u "Službenom listu RBiH".

Broj 02-111-582/95

Predsjednik

26. septembra 1995. godine

Predsjedništva RBiH,

Sarajevo

Alija Izetbegović, s. r.

433

Na osnovu Amandmana LI tačka 5. stav 3. na Ustav Republike Bosne i Hercegovine i člana 61. Zakona o obrazovanju i radu okruga ("Službeni list RBiH", br. 12/92, 14/92, 18/92, 21/92, 3/93, 22/93, 13/94 i 9/95), na prijedlog Predsjedništva Okruza Tuzla, Predsjedništvo Republike Bosne i Hercegovine, na sjednici od 26. septembra 1995. godine, donijelo je

ODLUKU

O RAZRJEŠENJU I IMENOVANJU PREDSEDNIKA I ČLANOVA RATNOG PREDSEDNIŠTVA SKUPŠTINE OPŠTINE BIJELJINA

I

Razrješavaju se dužnosti predsjednika i članova Ratnog predsjedništva Skupštine opštine Bijeljina:

1. MUGDIM ZULČIĆ, predsjednik
2. ŠEVAL BEGIĆ, član
3. MUHIDIN BILALIĆ, član
4. AMER MOHAMED, član
5. AHMET IBRIŠIMOVIĆ, član.

II

Za predsjednika i članove Ratnog predsjedništva Skupštine opštine Bijeljina, imenuju se:

1. ZENAID MEHMEDBEGOVIĆ, predsjednik
2. FAIK MUHIĆ, član
3. SULEJMAN BUDAKOVIĆ, član
4. SELIM DURAKOVIĆ, član
5. AHMET IBRIŠIMOVIĆ, član
6. RUŽDIJA MUSIĆ, član
7. HASAN NURKIĆ, član
8. FARUK HRUSTANOVIĆ, član
9. IBRAHIM GUTIĆ, član.

III

Ovu odluku objaviti u "Službenom listu RBiH".

Broj 02-111-583/95

Predsjednik

26. septembra 1995. godine

Predsjedništva RBiH,

Sarajevo

Alija Izetbegović, s. r.

434

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 18. septembra 1995. godine, donijelo je

ODLUKU

O ABOLICIJI PO SLUŽBENOJ DUŽNOSTI

I

Oslobada se od daljeg krivičnog postupka, u cilju razmjene za lica zarobljena od strane agresora:

1. DAVIDOVIĆ (MILOŠ) SLOBODAN

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-284-591/95

Predsjednik

18. septembra 1995. godine

Predsjedništva RBiH,

Sarajevo

Alija Izetbegović, s. r.

435

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 26. septembra 1995. godine, donijelo je

ODLUKU**O POMILOVANJU OSUĐENIH LICA****I**

Oslobadaju se osuđena lica od izdržavanja kazne zatvora:

1. HAČIMIĆ EMIR iz Sarajeva
2. CEROVIĆ SENAD iz Sarajeva
3. MREHIĆ ENVER iz Sarajeva
4. ŠARIĆ HASIB iz Zenice
5. IBRAGIĆ MIRZET iz Sarajeva
6. BEKTAŠEVIĆ HUSEIN iz Sarajeva
7. HRUSTIĆ NESIB iz Zenice
8. OMERVIĆ SABRIJA iz Sarajeva.

II

Ovu odluku objaviti u "Službenom listu RBiH".

Broj 02-248-593/95

26. septembra 1995. godine

Predsjednik

Predsjedništva RBiH,
Alija Izetbegović, s. r.

436

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 18. septembra 1995. godine, donijelo je

ODLUKU**O ABOLICIJI PO SLUŽBENOJ DUŽNOSTI****I**

Oslobada se od daljeg krivičnog gonjenja, u cilju razmjene za lica zarobljena od strane agresora:

1. VASILJEVIĆ (PANTO) JOVAN

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-011-596/95

18. septembra 1995. godine

Predsjednik

Predsjedništva RBiH,
Alija Izetbegović, s. r.

437

Na osnovu čl. 33. i 34. Zakona o Vladi Republike Bosne i Hercegovine ("Službeni list RBiH", broj 13/94) i člana 61. stav 1. Zakona o porezu na promet proizvoda i usluga ("Službeni list RBiH", br. 5/95, 9/95 i 33/95), Vlada Republike Bosne i Hercegovine, donosi

ODLUKU**O PRIVREMENOM UKIDANJU STOPA POREZA NA PROMET PROIZVODA I USLUGA****I**

Ukida se stopa poreza na promet proizvoda i stopa poreza na promet trgovine na malo u prometu uglja i ogrijevnog drveta u prometu na malo na teritoriji grada Sarajeva.

II

Ova odluka stupa na snagu danom objavljivanja u "Službenom listu RBiH", a primjenjivat će se do 15. marta 1996. godine.

V broj 173/95

15. septembra 1995. godine

Sarajevo

Predsjednik

Vlade RBiH,

dr Haris Silajdžić, s. r.

438

Na osnovu člana 124. st. 1. i 4. Zakona o državnoj upravi - Novi prečišćeni tekst ("Službeni list RBiH", broj 26/93), ministar finansija - ministar financija, donosi

NAREDBU**O IZMJENAMA I DOPUNAMA NAREDBE O ISPLATI NAKNADA ZA PUTNE TROŠKOVE**

1. U Naredbi o isplati naknada za putne troškove ("Službeni list RBiH", broj 29/95), tačka 1. mijenja se i glasi:

"Ovom naredbom uređuje se primjena člana 23. Uredbe o naknadama za putne troškove ("Službeni list RBiH", broj 7/95, u daljem tekstu: Uredba) i naređuje preduzećima i drugim pravnim licima da su dok traje ratno stanje dužni primjenjivati odredbe Uredbe i dostavljati mjesečni izvještaj o isplaćenim troškovima koji nastanu u vezi sa službenim putovanjem u zemlji i inozemstvu."

2. U tački 2. u stavu 1. riječi: "Osobama iz člana 1. Uredbe, dnevnica", zamjenjuju se riječju "Dnevnica".

Stav 3. briše se.

3. Iza tačke 2. dodaju se nove tač. 2a. i 2b. koje glase:

"2a. Izuzetno od tačke 2. ove naredbe dnevnica za službeno putovanje na teritoriji Republike Bosne i Hercegovine obračunava se i isplaćuje u devizama po posebnom odobrenju ministra finansija - ministra financija.

Izdatak za noćenje i izdaci za prevoz, kada nema računa, priznaju se u vrijednosti do 20 DEM. Preduzeća i druga pravna lica dužna su izdatke utvrđene ovim stavom regulisati opštim aktom.

2b. Računi iz tačke 2. ove naredbe podnose se na ovjeru Finansijskoj policiji - Finansijskoj policiji uz mjesečni izvještaj. Računi koje nije ovjerila Finansijska policija - Finansijska policija ne smatraju se vjerodostojnim dokumentom i ne priznaju se kao trošak za pravdanje izdataka nastalih u vezi sa službenim putovanjem."

4. Tačke 1, 2. i 3. ove naredbe primjenjivat će se od 05. augusta 1995. godine.

5. Ova naredba će se objaviti u "Službenom listu RBiH".

Broj 01-021-6535/95

18. septembra 1995. godine

Sarajevo

Zamjenik ministra

dr Izudin Kešetović, s. r.

Po izvršenom sravnjivanju sa izvornim tekstom utvrđeno je da se u Pravilniku o obrascima i načinu upisa u sudski registar, objavljenom u "Službenom listu RBiH", broj 32/95 potkrala greška, pa se daje

ISPRAVKA**PRAVILNIKA O OBRASCIMA I NAČINU UPISA U SUDSKI REGISTAR**

U obrascu prijave 2. Izvornik rješenja, na početku teksta obrasca, umjesto riječi: "na osnovu odredaba iz čl. 1, 24, 44-47", treba da stoji: "na osnovu odredaba iz čl. 5, 24, 45-47".

Broj 02-021-549/95

23. septembra 1995. godine

Sarajevo

Pomoćnik sekretara Sekretarijata

za zakonodavstvo Vlade RBiH,

Munevera Čaušević, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 4. Poslovnika Ustavnog suda Bosne i Hercegovine, na sjednici održanoj 17. augusta 1995. godine, donio je

ODLUKU

Utvrđuje se da:

- Odluka broj 01-90-77/93, od 8. 7. 1993. godine i Odluka broj 01-188-92/93, od 30. 10. 1993. godine, koje je donijelo Ratno predsjedništvo Općine Bugojno i Odluka broj 01-156-17/94 od 7. 7. 1994. godine, koju je donijelo Predsjedništvo Skupštine općine Bugojno, a odnose se na zabranu točenja, držanja i prodaje alkoholnih pića, kao i Odluka broj 01-118-4/V/94, od 24. 5. 1994. godine, Odluka broj 01-128-14/94, od 9. 6. 1994. godine i Odluka broj 01-168-18/94, od 25. 7. 1994. godine, koje je donijelo Predsjedništvo Skupštine općine Bugojno, a odnose se na realizaciju odluka o zabrani držanja, točenja i prodaje alkoholnih pića, u vrijeme važenja nisu bile u saglasnosti sa zakonom;

- Zaključak broj 01-43-49/93, od 9. 3. 1993. godine i Odluka broj 01-78-71/93, od 8. 6. 1993. godine, koje je donijelo Ratno predsjedništvo Općine Bugojno, a odnose se na zabranu zapošljavanja raseljenih lica sa područja drugih općina, u vrijeme važenja nisu bile u saglasnosti sa Ustavom i zakonom;

- Odredbe tač. 1. i 2. Zaključka Izvršnog odbora Općine Bugojno, broj 02-707/93, od 3. 12. 1993. godine, kojima se propisuje da lica koja do 30. 4. 1991. godine nisu imala prebivalište na području Općine Bugojno ne mogu dobiti odobrenje za obavljanje samostalne djelatnosti, u vrijeme važenja nisu bile u saglasnosti sa Ustavom i zakonom;

Ova odluka objavit će se u "Službenom listu RBiH".

Obrazloženje

Ustavni sud Bosne i Hercegovine, rješenjem od 11. 5. 1995. godine, pokrenuo je postupak za ocjenjivanje ustavnosti i zakonitosti navedenih odluka i zaključaka.

Odlukom od 8. 7. 1993. godine zabranjeno je držanje i točenje alkoholnih pića u svim ugostiteljskim objektima i držanje i prodaja alkoholnih pića u svim maloprodajnim objektima. Tom odlukom i ostalim odlukama navedenim u izreci propisani su prekršaji zbog kršenja zabrane iz odluke od 8. 7. 1993. godine i određene sankcije - kazna zatvora od 60 dana i zaštitna mjera trajnog zatvaranja objekta za vrijeme ratnog stanja odnosno neposredne ratne opasnosti, koja je od 7. 7. 1994. godine ograničena na jednu godinu. Propisano je da će se sankcije i zaštitne mjere izvršavati prije pravosnažnosti rješenja o prekršaju, s tim da se ovo od 7. 7. 1994. godine ne odnosi na zaštitnu mjeru.

Odluke od 8. 7. 1993. godine, 30. 10. 1993. godine i 24. 5. 1994. godine prestale su da važe stupanjem na snagu Odluke o točenju alkohola u ugostiteljskim objektima i prometu alkohola u trgovinama, broj 01-237/94, od 4. 10. 1994. godine.

Zaključkom od 9. 3. 1993. godine zabranjeno je zapošljavanje i imenovanje (postavljanje) na rukovodeća radna mjesta lica sa područja drugih općina, koja borave na području Općine Bugojno, u preduzećima, organima uprave, državnim organima, drugim organizacijama na području Općine Bugojno dok traje ratno stanje. Ovaj zaključak prestao je da važi danom stupanja na snagu Odluke broj 01-78-71/93 od 8. 6. 1993. godine. Tom odlukom, koja je ukinuta odlukom Prelaznog vijeća Općine Bugojno broj: 01-44-4-OV/95, od 12. 4. 1995. godine, propisano je, kao i Zaključkom od 9. 3. 1993. godine, da se zabranjuje zapošljavanje na područje Općine Bugojno raseljenih lica sa područja drugih općina, dok traje ratno stanje.

Odredbama tač. 1. i 2. Zaključka od 3. 12. 1993. godine propisano je da lica koja do 30. 4. 1991. godine nisu imala prebivalište na području Općine Bugojno ne mogu dobiti odobrenje za obavljanje samostalne djelatnosti. Ove odredbe prestale su da važe stupanjem na snagu Zaključka broj: 01-37-4-OV/95, od 12. 4. 1995. godine koji je donijelo Prijelazno općinsko vijeće Općine Bugojno.

Zakonom o robnom prometu i uslovima snabdijevanja za vrijeme ratnog stanja i vanrednih okolnosti ("Službeni list RBiH", br. 4/92, 13/93, 21/93 i 13/94) propisano je da, izuzetno, a radi obezbjeđivanja javnog reda i mira i bezbjednosti građana, općine odnosno grad Sarajevo, mogu na svom području privremeno ograničiti radno vrijeme i zabraniti vršenje određenih usluga u svim ili određenim objektima (član 19. stav 2.). Iz navedene zakonske odredbe proizilazi da je Ratno predsjedništvo odnosno Predsjedništvo Skupštine općine Bugojno, svojom odlukom moglo privremeno zabraniti držanje, točenje i prodaju alkoholnih pića u svim ili određenim ugostiteljskim ili drugim objektima, ali je pri tome, bilo obavezno propisati i vrijeme privremene zabrane. S obzirom da to nije učinjeno, po ocjeni Ustavnog suda, odluke koje se odnose na zabranu držanja i točenja pića u svim ugostiteljskim i drugim objektima i o propisivanju prekršaja zbog kršenja ove zabrane, u vrijeme važenja, nisu bile u saglasnosti sa zakonom.

Zakonom o prekršajima ("Službeni list SRBiH", br. 19/86, 42/87, 33/89, 2/90 i 22/91 i "Službeni list RBiH", br. 16/92 i 13/94) određeno je da se kazna zatvora, kao i zaštitna mjera, mogu propisati samo zakonom (čl. 29. i 40.).

Prema istom zakonu žalba ovlaštenog lica, prema tome i okrivljenog koji je rješenjem o prekršaju proglašen krivim, odlaže izvršenje rješenja o prekršaju, osim u slučajevima kad je ovim zakonom drukčije određeno (član 217.).

Dakle, navedeni zakoni ne daju mogućnost za propisivanje podzakonskim aktom kazne zatvora i zaštitne mjere zatvaranja objekta, niti dozvoljavaju da se rješenje izvršava odmah po uručanju okrivljenom, pa ni iz tih razloga osporene odluke, po ocjeni Ustavnog suda, u vrijeme važenja, nisu bile u saglasnosti sa zakonom.

Ustavom Republike Bosne i Hercegovine zajamčena je sloboda rada i utvrđeno da su svakom građaninu, pod jednakim uslovima, dostupni svako radno mjesto i funkcija u društvu (član 167.), a Republika je ovlaštena da preko republičkih organa, u okviru svojih prava i dužnosti utvrđenih Ustavom, uređuje prava radnika kojima se obezbjeđuje njihov ustavom utvrđeni položaj u društveno-ekonomskim odnosima i prava radnih ljudi radi obezbjeđivanja njihove socijalne sigurnosti i solidarnosti i uređuje zapošljavanje radnih ljudi (član 304. stav 1. tačka 4.).

Zakonom o osnovnim pravima iz radnog odnosa ("Službeni list RBiH", br. 2/92, 13/94 i 20/95) propisano je da radni odnos može da zasnue svako lice koje ispunjava opće uslove utvrđene ovim zakonom i posebne uslove utvrđene zakonom i općim aktom (član 7.). Istim zakonom propisano je da radni odnos može da zasnue lice koje je navršilo 15 godina života i koje ima opću zdravstvenu sposobnost (član 8. stav 1.).

S obzirom na navedene ustavne i zakonske odredbe Ratno predsjedništvo Općine Bugojno nije imalo ovlaštenje za propisivanje zabrane zapošljavanja i imenovanja na rukovodeća radna mjesta raseljenih lica sa područja drugih općina, pa osporeni zaključak i odluka u vrijeme važenja nisu bili u saglasnosti sa Ustavom i zakonom.

Ustavom Republike Bosne i Hercegovine radnim ljudima zajamčeno je pravo da samostalno obavljaju djelatnost ličnim radom, odnosno ličnim radom i sredstvima u svojini građana i utvrđeno da se zakonom mogu, izuzetno, kada to zahtjeva priroda tih djelatnosti ili poseban društveni interes, odrediti djelatnosti koje se ne mogu samostalno obavljati ličnim radom

i da se zakonom mogu utvrditi uslovi samostalnog obavljanja djelatnosti ličnim radom (Amandman XXX tačka 1. na Ustav Republike Bosne i Hercegovine). Republika je ovlaštena da preko republičkih organa, u okviru svojih prava i dužnosti utvrđenih Ustavom, uređuje, pored ostalog, načela za način vršenja djelatnosti u zanatstvu, ugostiteljstvu i turizmu i odnose u oblasti samostalnog ličnog rada sredstvima u svojini građana (član 304. stav 1. tačka 11.).

Zakonom o samostalnom privređivanju ("Službeni list SR BiH", br. 26/89 i 29/90) propisano je da lice koje obavlja djelatnost ličnim radom, odnosno ličnim radom i sredstvima u svojini građana (u daljem tekstu: samostalni privrednik) može obavljati sve djelatnosti pod uslovima utvrđenim ovim zakonom i da se zakonom mogu, izuzetno, kada to zahtijeva priroda tih djelatnosti ili poseban društveni interes, odrediti djelatnosti koje se ne mogu obavljati ličnim radom (član 2.). Odobrenje za osnivanje samostalne radnje odnosno obavljanje samostalne djelatnosti izdat će se podnosiocu zahtjeva ako ispunjava uslov: da je poslovno sposoban da mu pravosnažnom odlukom nadležnog organa nije izrečena mjera zabrane obavljanja te djelatnosti i da posjeduje odgovarajuću zakonom propisanu stručnu spremu i zdravstvenu sposobnost (član 16.).

Polazeći od navedenih ustavnih i zakonskih odredaba, Ustavni sud je ocjenio da odredbe tač. 1. i 2. osporenog Zaključka kojima je propisano da lica koja do 30. aprila 1991. godine nisu imala prebivalište na području Općine Bugojno ne mogu dobiti odobrenje za obavljanje samostalne djelatnosti, u vrijeme važenja nisu bile u saglasnosti sa Ustavom i zakonom.

Odluka U broj 31/94
17. augusta 1995. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s.r.

Narodna banka Bosne i Hercegovine

Na osnovu člana 22. Zakona o deviznom poslovanju ("Službeni list RBiH", br. 10/94, 13/94, 25/94, 33/94, 5/95 i 9/95), čl. 10. i 82. stav 1. pod a)/1. i 19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94) i Rješenja guvernera Narodne banke Bosne i Hercegovine, 01-226/94 od 17. II 1994. godine, viceguverner Narodne banke Bosne i Hercegovine, donosi

BANKA
DATUM

ODLUKU

O NAČINU RADA MEĐUBANKARSKOG SASTANKA

1. Narodna banka Bosne i Hercegovine (u daljem tekstu Narodna banka) radi regulisanja količine novca u opticaju većeg stepena zadovoljavanja potreba bankarskog sistema Republike Bosne i Hercegovine organizuje i vodi međubankarski sastanak.

2. Učesnici međubankarskog sastanka su banke i Narodna banka.

3. Učesnici međubankarskog sastanka će organizatoru međubankarskog sastanka dostaviti svoju ponudu i tražnju na propisanom obrascu koji čini sastavni dio ove odluke.

4. Organizator međubankarskog sastanka će svim učesnicima međubankarskog sastanka dostaviti ukupnu ponudu i tražnju na propisanom "zbirnom" obrascu koji čini sastavni dio ove odluke.

5. Transakcije na osnovu primljenih informacija obavljaju se direktnim kontaktima ili neposredno, na međubankarskom sastanku.

6. Učesnici međubankarskog sastanka obavezni su mjesečno dostavljati Narodnoj banci izvještaje o realizovanim kupoprodajama putem međubankarskog sastanka kao i o kupoprodajama koje su banke direktno međusobno realizovale.

Izvještaji iz stava 1. ove tačke dostavljaju se na propisanom obrascu koji čini sastavni dio ove odluke.

7. Učesnici međubankarskog sastanka obavezni su u skladu sa Odlukom o utvrđivanju tarife po kojoj se naplaćuju naknade za usluge koje vrši Narodna banka Bosne i Hercegovine, mjesečno plaćati Narodnoj banci stalnu kotizaciju u iznosu od 200 DEM u dinarskoj protuvrijednosti i 1 promil provizije od svakog realizovanog transfera putem međubankarskog sastanka.

8. Učesnici međubankarskog sastanka su obavezni ispuniti propisane uslove za početak rada međubankarskog sastanka u roku sedam dana od dana stupanja na snagu ove odluke.

9. Ova odluka stupa na snagu osmog dana od dana objavljivanja u "Službenom listu RBiH".

G broj: 64/95
7. septembra 1995. godine
Sarajevo

Viceguverner
Narodne banke BiH,
dr Enver Backović, s. r.

PONUDA I TRAZNJA SREDSTAVA

OPIS	PONUDA				TRAZnja			
	VALUTA	IZNOS	ROK	USLOVI	VALUTA	IZNOS	ROK	USLOVI
A. devizna sredstva na računu kod ino-banaka (navesti ino-banku i valutu)								
	TOTAL				TOTAL			
B. devizna sredstva na računu kod Zavoda za platni promet								
	TOTAL				TOTAL			
C. dinarska sredstva na računu kod Zavoda za platni promet								
	TOTAL				TOTAL			

OG SASTANKA

e (u daljem tekstu:
novca u opticaju i
arskog sistema Re-
odi međubankarski

u banke i Narodna

a će organizatoru
onudu i tražnju na
ve odluke.

ka će svim učesni-
ukupnu ponudu i
oji čini sastavni dio

ormacija obavljače
međubankarskom

obavezni su mje-
je o realizovanim
anka kao i o kupo-
no realizovale.

a se na propisanom

avezni su u skladu
naplaćuju naknade
e i Hercegovine,
zaciju u iznosu od
romil provizije od
ankarskog sastan-

a obavezni ispuniti
arskog sastanka u
ove odluke.

a od dana objavlji-

verner
anke BiH,
cković, s. r.

K	USLOVI

NARODNA BANKA
BOSNE I HERCEGOVINE

UKUPNA PONUDA I TRAŽNJA SREDSTAVA

OPIS	NAZIV BANKE	PONUDA				TRAŽNJA			
		VALUTA	IZNOS	ROK	USLOVI	VALUTA	IZNOS	ROK	USLOVI
A. devizna sredstva na računu kod ino-banaka (navesti ino-banku i valutu)									
		TOTAL				TOTAL			
B. devizna sredstva na računu kod Zavoda za platni promet									
		TOTAL				TOTAL			
C. dinarska sredstva na računu kod Zavoda za platni promet									
		TOTAL				TOTAL			

BANKA
DATUM

IZVJEŠTAJ O KUPOPRODAJI ZA MJESEC 1995. GODINE

OPIS	PRODATO					KUPLJENO				
	VALUTA	IZNOS	DATUM	USLOVI	BANKA	VALUTA	IZNOS	DATUM	USLOVI	BANKA
A. devizna sredstva na računu kod ino-banaka (navesti ino-banku i valutu)										
	TOTAL					TOTAL				
B. devizna sredstva na računu kod Zavoda za platni promet										
	TOTAL					TOTAL				
C. dinarska sredstva na računu kod Zavoda za platni promet										
	TOTAL					TOTAL				

SLUŽBENE OBJAVE

PROGLAŠENJE UMRLIM

Osnovni sud u Tešnju, po sudiji Agić Nedžadi, a u vanparničnom predmetu predlagateljice Mehinović Suade iz Maglaja, radi dokazivanja smrti Džanić Sakiba sina Alije iz Pridjela, na osnovu člana 65. Zakona o vanparničnom postupku, izdaje

OGLAS

DŽANIĆ SAKIB sin Alije iz Pridjela - Doboj navodno je ubijen 18. 6. 1992. godine sa ostalim mještanima u Ševarlijiama.

Pozivaju se sva lica koja bilo šta znaju o smrti Džanić Sakiba sina Alije iz Pridjela da se jave Osnovnom sudu u Tešnju u roku od 30 dana od dana objavljivanja oblasi u "Službenom listu RBiH".

Po proteku roka od 30 dana sud će donijeti rješenje po prijedlogu za dokazivanje smrti.
(so-647/95).

Osnovni sud u Tešnju, po sudiji Agić Nedžadi, a u vanparničnom predmetu predlagateljice Smajlović Jasmine iz Teslića sa boravištem u Mrkotiću-Tešanj, radi dokazivanja smrti Smajlović Sabita sina Smaje iz Teslića, na osnovu člana 65. Zakona o vanparničnom postupku, izdaje

OGLAS

SMAJLOVIĆ SABIT, sin Smaje rođen 1958. godine u Tesliću, navodno je ubijen u Novom Šeheru 23. 6. 1993. godine.

Pozivaju se sva lica koja bilo šta znaju o smrti Smajlović Sabita da se jave Osnovnom sudu u Tešnju u roku od 30 dana od dana objavljivanja oglasa u "Službenom listu RBiH".

Po proteku roka od 30 dana sud će donijeti rješenje po prijedlogu za dokazivanje smrti.
(so-648/95)

Osnovni sud I u Sarajevu, poziva KAROVIĆ UZEIRA, sina Muharema i majke Vasvije, rođena Hodžić, rođen 15. 9. 1960. godine u Ustikolini S. O. Foča, da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti Karović Uzeira.

Nestali Karović Uzeir, nestao je 31. 7. 1993. godine na Bjelašnici a imao je posljednje prebivalište u ul. Nerkeza Smailovića br. 5. SO Novi Grad.

Po isteku roka oglašavanja nestali Karović Uzeir, bit će proglašen umrlim. (so-651/95)

Osnovni sud II Sarajevo i to sudija Aljičević Jasmina u vanparničnom predmetu predlagača Halilović Ismeta iz Sarajeva ul. Lovčanska br. 41-a, radi dokazivanja smrti Halilović Džemila iz Sarajeva ul. Zagrebačka br. 35 zastupana po posebnom staratelju Sibra Muji iz Sarajeva na osnovu člana 65. Zakona o vanparničnom postupku, izdaje slijedeći

O G L A S

HALILOVIĆ DŽEMILA, rođena Šahbegović kći Mehe, rođena 4. 1. 1928. godine u Vlasenici sa posljednjim prebivalištem u Sarajevu ul. Zagrebačka br. 35 navodno je umrla na naselju Grbavica dana 29. 9. 1993. godine.

Poziva se sama Halilović Džemila kao i svako drugo lice koje bilo šta zna o životu ili njenoj smrti da se u roku od 30 dana javi Osnovnom sudu II u Sarajevu ulica Šenoina br. 1, soba broj 310/III.

Po isteku roka od 30 dana sud će donijeti rješenje po prijedlogu za dokazivanje smrti. (so-660/95)

Osnovni sud I u Sarajevu u vanparničnom postupku dokazivanja smrti po prijedlogu Babić Ramize, a na osnovu čl. 62. i 65. Zakona o vanparničnom postupku, izdaje

O G L A S

BABIĆ ISMET, sin Fehima rođen 21. 2. 1947. godine u selu Gire, opština Sokolac, sa posljednjim prebivalištem u Olovu poginuo je kao borac Armije RBiH dana 19. 12. 1993. godine na području opštine Olovo.

Poziva se Babić Ismet i svako drugo lice koje bilo šta zna o životu i smrti Babić Ismeta da se javi ovom sudu u roku od 15 dana od dana objavljivanja oglasa.

Po isteku roka donijet će se rješenje po prijedlogu.

(so-662/95)

S A D R Ź A J

427	Odluka o obrazovanju Komisije za identifikiranje i označavanje državne granice Republike Bosne i Hercegovine na području zračne luke Bihać	905
428	Odluka o ustupanju izvornih prihoda i prijenosa rashoda Republike Bosne i Hercegovine okruzima odnosno kantonima	905
429	Odluka o pomilovanju po službenoj dužnosti	906
430	Odluka o aboliciji po službenoj dužnosti	906
431	Odluka o pomilovanju po službenoj dužnosti	907
432	Odluka o razrješenju i imenovanju predsjednika i člana Ratnog predsjedništva Skupštine opštine Šekovići	907
433	Odluka o razrješenju i imenovanju predsjednika i članova Ratnog predsjedništva Skupštine opštine Bijeljina	907
434	Odluka o aboliciji po službenoj dužnosti	907
435	Odluka o pomilovanju osuđenih lica	908
436	Odluka o aboliciji po službenoj dužnosti	908
437	Odluka o privremenom ukidanju stopa poreza na promet proizvoda i usluga	908
438	Naredba o izmjenama i dopunama Naredbe o isplati naknada za putne troškove	908
	Ispravka Pravilnika o obrascima i načinu upisa u sudski registar	908

USTAVNI SUD BOSNE I HERCEGOVINE

Odluka da se utvrđuju: - Odluka broj 01-90-77/93, od 8. 7. 1993. godine i Odluka broj 01-188-92/93, od 30. 10. 1993. godine, koje je donijelo Ratno

predsjedništvo Općine Bugojno i Odluka broj 01-156-17/94 od 7. 7. 1994. godine, koju je donijelo Predsjedništvo Skupštine općine Bugojno, a odnose se na zabranu točenja, držanja i prodaje alkoholnih pića, kao i Odluka broj 01-118-4/V/94, od 24. 5. 1994. godine, Odluka broj 01-128-14/94, od 9. 6. 1994. godine i Odluka broj 01-168-18/94, od 25. 7. 1994. godine, koje je donijelo Predsjedništvo Skupštine općine Bugojno, a odnose se na realizaciju odluka o zabrani držanja, točenja i prodaje alkoholnih pića, u vrijeme važenja nisu bile u saglasnosti sa zakonom; - Zaključak broj 01-43-49/93, od 9. 3. 1993. godine i Odluka broj 01-78-71/93, od 8. 6. 1993. godine, koje je donijelo Ratno predsjedništvo Općine Bugojno, a odnose se na zabranu zapošljavanja raseljenih lica sa područja drugih općina, u vrijeme važenja nisu bile u saglasnosti sa Ustavom i zakonom; - Odredbe tač. 1. i 2. Zaključka Izvršnog odbora Općine Bugojnom, broj 02-707/93, od 3. 12. 1993. godine, kojima se propisuje da lica koja do 30. 4. 1991. godine nisu imala prebivalište na području Općine Bugojno ne mogu dobiti odobrenje za obavljanje samostalne djelatnosti, u vrijeme važenja nisu bile u saglasnosti sa Ustavom i zakonom

NARODNA BANKA BOSNE I HERCEGOVINE

Odluka o načinu rada međubankarskog sastanka

910

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza trgovine na malo.